

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 163. Sessio XIX. Papa Concilii Præses.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

convocati, tum quintæ Oecumenicæ Sy-^{Sæcul. XV.}
nodi contra Theodorum Nestorii Discipu- A. C. 1409.
lum ab ipsismet Patribus coastæ. Dein
Pontificem adhortatur, ut omnibus om-
nino officii sui partibus strenue satisfaciat,
& sine moræ dispendio adversus ambos
Papatus sui Competitores efficaci cona-
tu agens, schisma funditus exscindat.
Plurimum quoque declamabat adversus
corruptos Clericorum præcipue vero Re-
ligiosorum Mendicantium mores; Car-
pebat etiam abusus in Beneficiorum col-
lationibus irrepentes. Ultimo monet Pa-
pam, atque Patres, ut pro viribus refor-
mationi Ecclesiæ insisterent.

§. CLXIII.

Sessione XIX. Papa Concilii Præses.

Sessioni sequenti, quæ est ordine decima *Conc. Labb.*
nona, die prima Julii celebratæ ipse-*tom. XI.*
met Pontifex præsedit. Hanc auspicab-
tantur ab Hymno: *Veni Creator Spiritus* &c. quem ipse Papa præcinebat, quo
finito Alexander Sedem multis gradibus
coram summo Altari erectam occupabat,
tribus Patriarchis e regione sibi assisten-
tibus. Decretum electionis a Cardinali-
bus subscriptum promulgavit Cardinalis
de Chalanto, declaravitque, Alexandrum
unanimi consensu in summum Pontificem
fuisse

SæcVL. XV. A. C. 1409.

fuisse electum. Absoluta hac Lectione nonnullæ recitabantur preces, quas Pontificis oratio exceptit in hæc S. Joannis verba: *Fiet unum ovile, & unus Pastor.* cap. 10. v. 16. In illa Pastoris obligatio-nes erga gregem suum & gregis erga Christum Dominum, qui est bonus Pastor, cuius Papa est Vicarius in terris, pluri-bus exponebat argumentis. Sermone finito, Balthasar Cossa Cardinalis S. Eu-stachii aliud promulgabat decretum, vi cuius Neo-electus Papa sententias, acta judiciaria, & dispositiones per Cardinales a die tertia Maji Anni supra millesimum quadringentesimi octavi pro unione Ec-clesiæ factas, necnon cetera in Concilio Generali acta, auctoritate sua firmavit, ac rata habuit, & duo illa Collegia in unum coadunavit, pollicitus, se refor-mationem Ecclesiæ omnibus viribus pro-motrum, Virosque virtute ac probi-tate vitæ conspicuos, qui juncta cum Cardinalibus opera super hoc puncto deliberarent, selecturum. Hac Ses-sione ad finem vergente sanctum fuit, ut Pontifex proxima die Dominica ritu so-lemini coronationis insignia acciperet; sequens vero Sessio ad decimam Julii remitteretur.

§. CLXIV.